



UNIVERSITÄTS-
BIBLIOTHEK
PADERBORN

Universitätsbibliothek Paderborn

Apodixes, Sive Demonstrationes Tres Horrendarvm Blasphemiarvm Ecclesiae A Calvino Reformatae, Circa tres primos Symboli Catholici Articulos

Bosendorf, Hermann

Monasterii VWestphaliae, 1608

Capvt XX. De Corollarijs.

urn:nbn:de:hbz:466:1-35415

mentem iniuram geras; Si cum Bucerō ex Zving-
liano fias Lutheranus; ex Lutherō Semicatholicus; ex
Semicatholico Sacramentarius; ex Sacramentario
Iudeus obduratus. Si cum Adamo Neusero Heidelber-
genſi olim Paſtore, cum Alamanno, Blandrata, Sta-
torio, Socino, Liſimanno alijsq; primis per Sarmatiam
Caluiniani Euangelij Apoſtoliſ transfugas ad Turciſ-
mum, cui nullus Deus eſt, illi omnis religio perinde eſt:
niſi quod Mahometiſmus eſt ſit Caluinistiſ gratior; quo
& fœdarum carnis voluptatum maior eſt approbator
& doctrinæ Sacramentariorum conſonantior.

CAPVT XX.

De Corollarijs.

AD hæc corollaria ex præcedētibus pen-
dentiæ, ſeq; conſequentia ſecundum re-
ctæ rationis diſcurſum, raptus extra ſe lym-
phatoq; ſimilis, debacchatur atrociter in ad-
uerſarium prædicans. Exclamat ad primum.
*Increpet te Dominus Sathan. Quare? quia quadruplex hoc eſt mendacium planè diabolicum, & abomi-
nanda in Deum Caluinistiſ blaſphemia. Planè
Dominus increpet te nouitium populi sedu-
ctorem & Eccleſiæ Sathanam, qui infinities
iam nūc impudentiſſimorum mendaciorum
redargutus, adeo adhuc bardus & brutus eſt, vt
non palpes totum primum articulum ex præ-
miſſis verbotenus conſequi. Fruſtra furis ad-
uerſus conſuſionem, vbi præmiſſæ ante ſunt
poſitæ.* Ad

Ad 2. crustaceum quendam Deum in phantasijs Calvinistarum, velut in fornaculis quibusdam Vulcanijs pistum, eructat benè ccenatus Prædicans. Sed enim Catholicis hoc idoli prorsus est incognitum: qui etsi Christum latentem sub specie panis cum omnibus maioribus suis venerantur; non tamen crustaceum quid adorant, non magis, quam vel laneum quid, dum Deum Christum indutum veste; vel lapideum quid, aut ligneum, dum in sepulchro præsepique Bethlemitico iacentem adorant. Reliquos de permissione & voluntate Calvinistici Numinis coccyfimos ne quidem attingendos amplius duco.

Christus
sub specie
panis fide
agnitus
adoratur.

Ad 3. pro Atheismo Calvinisequarum in thesi insinuato, Prædicans reponit martyres suorum Sacramentariorum. Prò quantos heroas! quam gloriosos athletas! Audi enim Martyrologium Calvinisticum. II. Octobris anni 1531. in Heluetia pugnans in prima acie contra Apostolorum patrumque suorum doctrinam à pauculis Cætonibus Catholicis cum plurimis Sacramentarijs miserè trucidatus, inque cineres redactus est Ulricus Zwinglius: qui gladiator non malus Capharnaitarum vexillum primus iterum extollere cœpit. Eius cineres domû Tigurini quidam magna cum reuerentia asportarunt. Surius Anno 1531. Item non multo post memorabili fine extremum diem clausit Basileæ D. Ioannes Oeco-

Martyrolo-
gium Sacra-
mentario-
rum.

lampadius, professione pseudologus, author Caluangelicæ doctrinæ in ea vrbe primus (circa annum Christi fere 1528.) & templi ibidem protoepiscopus, apostata monachus, maritus sacrilegus, qui suffocatus à Sathana (vt Lutherus dicit in lib. de Missa priuata) morte digna vitæ meritis expirauit. Item ibidem memoria est Carolstadij primum archidiaconi VVittenbergensis, sed post illucescente magis Euangelica libertate, diaconi in Tigurina Ecclesia. Hic post graues à Luthe-ro Lutheranisq; persecutiones, año 1530. strâgulatus à Caluiniano Numine martyr Caluinisticus alacer ad inferas sedes perrexit, vt refert Erasmus Alberus. Item Geneuæ soleñitas Ioannis Caluini, hominis nati ad decipiendos simplices, orbemq; seditionibus replendū, qui postquam ad extrema deuenit, vt Herodes quispiam pediculari morbo consumtus inter blasphemias voces, quib. diei suo, Deoq; verò maledixit, animam orci potēti An. 1567. commisit, Bolsecus in vita Cal. Eius translatio celebratur Nouioduni, quando in publicum eductus nudatusq; ante ora populi tribus in dorso candentibus lilijs propter Sodomopolitarum castitatem est insignitus relegatusq; in exilium. ibidem. Item in Anglia protomartyris cuiusdam, apud Foxum, qui 17. annis in scriptura Caluiniana positus cum supplicio foret afficiendus, hanc constantissimè fidem est

pro-

professus: Christum omnibus operibus suis
 cælum non promeruisse. Foxus. Item in An-
 glia Thomæ Cranmeri: qui ex tepido Catho-
 lico sub Henrico 8. in Anglia primum factus
 est Henricianus, vsq; eo noui Euangelij calore
 spirituq; exæstuans, vt quã initio propalam
 mulierem circumducere non audebat, eam
 cistæ inclusam secum veheret. Post sub Eduar-
 do transijt ad Lutheranos impanatum Deum
 in Catechismo suo docens. deniq; cum tran-
 sijnisset ad Calvinistas, ad extremum captus sub
 regina Sapientissima Maria, conuictusque in
 publicis regni comitijs, suaque ipsius confes-
 sione reus Oxonij per ignem ex hoc mundo
 ad ollas vulcanias euolauit. Flores Calvinisti-
 ci fol. 42. Item eadem in prouincia celebris
 apud Foxum martyr is Guilhelmi Coabrigij,
 qui Christi nomen auersis auribus vsq; adeo
 excipiebat, vt neq; lectionem nec mentionem
 eius ferret: asserebat præterea, neq; Apostolos
 neq; Euangelistas, neq; quatuor Ecclesiæ Do-
 ctiores, adhuc patefecisse qua ratione peccato-
 res salui fiât: Christum nõ esse mundi redem-
 ptorem sed deceptorem, & qui in nomine eius
 crediderunt in inferno damnatos esse. Alanus
 Copus Dialog. 6. c. 10. Item in Scotia famige-
 ratorũ cõfessorũ ppter adulteria, homicidia,
 furta, colloquia cū dæmone, Ioannis Knoxij,
 Kellochi, Viliochi, Pauli Methuensis, Ioannis
 Durix ministri Edinburgensis ad concionem
 ascendere cõsueti cū bõbardis duab, vt verbo

Christum
 esse decep-
 torem.

& igne nouum firmaret Euangelium, Thomæ Moensis, Thomæ Rae Sodomitæ, & aliorum suspendio extinctorum propter rapinas. Vide flores Calvinisticos fol. 85. Item in Saxonia festum primi Apostoli Calviniani Nicolai Crellij propter seditiosum sanguinariumque nouangelium 9. Nouembris anni 1601. capite diminuti ex decreto summi Magistratus. Item Monasterij in VVestphalia Stautenbernij recordatio, qui triueneficus ex pessimo Catholico factus est Lutheranus, & mox ex Lutheranus Argentinae, opera Buceri (Magistri Iohannis Caluini) reformatus degenerauit in Sacramentarium, coenamque Calvinisticam, panes albos in manicis Monasterij circumtulit. Hic à Catholicis urbem capientibus caesus in pugna, suspendium è turri urbis altissima candentesque forcipes socijs impactas euasit An. 1534. Maluissem ut prædicans suos in sinuasset nominatim martyres, ego lubens percissem huic martyrum Calvinianorum, pauculorum quidem, sed omnium maximè illustrium colligendorum labori. Debebat etiam atheos illos Necromantas, Sodomitas, Epicureos inter Pontifices nominatim proponere, ut conspiceremus num afferret aliquos à Bellarm. lib. 4. c. 8. & sequentibus iam pridem non defensos. Sed secundum artem Calvinianam maluit in confuso loqui, ne si quæ hic exprimeret distinctè statim reus deprehen-

prehenderetur falsi. Nouimus nō omnes Romæ fuisse sanctos, sed nec in duodenario Apostolorum collegio omnes sancti fuerunt. Inter diaconos septem, castitatis laudem nō parum obnubilauit Nicolaus (a quo Nicolaitæ orti sunt) & inter innumera millia hominum ex omni natione Romæ versantium omnes sint incorrupti integrique! habet vrbs malos non paucos, etiam habet bonos nō pauciores eosq; omni virtute instructissimos. miscentur zizania tritico & mali pisces sagena capiuntur æquè ac boni. De suis reformatis ipse Calvinus lib. de scandalis sic loquitur: *Cum tot hominum millia cupidè, vt videbatur nomen dedissent Euangelio (Caluinismo) quam pauci obsecro à suis vitijs resipuerunt? imo quid præ se maior pars tulit, nisi vt excusso superstitionum iugo, solutius in omnem lasciuia difflueret, homines Lucianici & Epicurei Papistarum ineptias lepide irridet sed ipsi indigni sunt qui vnq; ad Papismū reuertatur. Et: Nō est, qd nos turbet atheismus, qui nunc (post reformatum in Anglia Galliaq; Euangelium) in toto mundo passim grassatur. Et: Abutuntur (prædicantes) sacrilegè Euangelio ad scelerum prætextum. loquor de artificio iam non vulgari (vfitato verbi ministris) quo se perfidi homines ad fallendum, fraudandum, modisq; omnibus nocendum (populo) insinuant: zelum (prælect. in Dan. ca. II.) quidam præclarum simulant, si tamen intus excutias, reperies plenos eos esse perfidia & fraudibus. Nihil attinet similia ex Musculi locis communibus; Luthero Tom. 5. in cap. 8.*

Caluinizantes sunt a thei testimonio Caluini.

Matth. Erasmo in epistola ad fratres inferioris Germaniæ: Czanouio de corruptis moribus vtriusq; partis; Smidelino in cap. 21. Luc. concione 4. alijsq; afferre. Testem (qualem vult) dedimus atheismi Calvinistici ipsum Calvinum, cum tamen ipse corruptelarum in vrbe testes laudet nullos, nisi Platinas, Bennonas, Petrarchas, infestos quibusdam Romanis Pontificibus propter carceres & alias priuatas causas aduersarios.

Godefrid.
à Valle ex
Caluinista
fit atheus.

De Godefrido à Valle non est cur anilem esse fabulam putet; consulat tantum tabulas Parisienses publicas, vel si mauult, Maldonatum in c. 26. Matth. vers. 26. Nonnulli, inquit, Calvinistæ progressi sunt longius, vt nihil crederent, quorum vnus Godefridus à Valle, Lutetiæ anno 1572. publicè exustus, cum libellum quendam his annis de arte nihil credendi composuisset, nihil in eo nisi hoc vnum verum dixit, oportere prius Calvinistam fieri, qui atheus esse volet. Fuerat ille antea Calvinista, fuit postea atheus. vnicuique in sua arte credendum est. Hæc ille professor Theologiæ Parisiensis de re gesta in theatro totius orbis clarissimo Lutetiæ, vt ignorare ei quod gestum fuit non licuerit: mentiri vero in retam clara & publicis litteris consignata non potuerit. Prædicantium, non autem Catholicorum veri studiosorum est proprium, egregiè impudenterq; mentiri quidlibet,

bet, quomodo §. 100. Iesuitis ascribit hic in-
sulfus prædicans sine teste, solum quia ita li-
bet, Admiralij aliorumq; Hugonottorum Pa-
risijs factam cædem, quos tamen nemo pru-
dens ea de re vnquam in suspicionem magis
vocauit, quam de bello inter Selymum & Præ-
to Ioannem de quo Surius An. 1572.

Ad 4. omnia horrenda vult esse maledicta.
Quasi verò vllum caput, nisi fortè Vorstio-
Caluinianum, adeò sit sine omni cerebro, vt
non iudicet verissimum, homines intelligen-
tes potius credituros, nullū esse Deum, quam
Sathanam Deum esse. Vbi autem sibi persua-
serint Deum esse nullum, quasi verò tum pro
Dei cuiuspiam religione sint pugnaturi, aut
reformidaturi per eum iurare, peierare, Ma-
gistratus populosq; circumducere. Non sunt
ea corollaria maximè 3. & 4. pro vulgo, à Ma-
gistris licentiæ decepto, sed pro Rabbinis &
magnis (vt sibi videntur) clamosisq; Caluinif-
mi Coryphæis: eos ad istum modum necessa-
rio ratiocinari credimus, idque si cui, rerum
passim in Europa à Caluinistis perditissimè
gestarum, ignaro dubiū est, adeat Artem men-
tiendi Caluinisticam, Flores Caluinisticos,
Incendium Caluinisticum, Caluino Turcif-
mum aliosque libros Caluinianæ perfidiæ &
proditionum plenos. Et quid mirum? homi-
nibus seruent fidem, qui violant Christo da-
tam in Baptismo? qui doctrinam à Spiritu S.
reuelatā & per Apostolos traditā proculcant?
qui

qui maioribus, omnibusq; prisce Ecclesie Doctores fidem omnem abrogant? maneat ergo Calvinistarum tessera propria.

Iura, periura, secretum prodere noli.

Nam quod Alexandrum 6. hac etiam labe aspergere conatur ex Machiauello, in eo se, pedit sui immemorem: quando supra noluit testes suspectos. At quis magis suspectus ter execrando Machiauello politicorum ductore, Atheismi doctore, hoste iurato illius Pontificis? Et ut talis fuisset in vita, id non ab alio illi suggestum fuisset, quam à Calviniano numine. Neq; enim doctrina Catholica id eum docuit, quæ his è diametro contradicit, suosque manu quasi ducit ad omnem vitæ sanctitatem & iustitiam: ut nequicquam iterum relabaris §. 106. ad papistici cleri cælibatum moresque aliquorum corruptos. Doctrina Catholica eos ad orandum horasq; canonicas Deo deuotè recitandas excitat; ea iubet ipsos & sibi & alijs gratiam diuinam ad seruiendum Creatori exposcere; ad ieiunia, macerationemq; carnis suis illos præceptis exstimulat; inuitat ad cilicia, ad cineres, ad lacrymas, ad vigilias, ad bellum cum carne, mundo & Sathana gerendum: Non sunt hæc irritamenta libidinum scelerumque fomenta, sed instrumenta ad omnem honestatem & virtutem. Fateor, minus audientes sunt nonnulli his doctrinæ Catholicæ vocibus, sed eius rei infelix Caluino-

præ-

Cleri Catholici exercitia propria.

prædicans, tu cum tuis es fons & scaturigo: Tu opera bona vt satisfactiones quasdam hu-
 manas, malitiosè exagitas: Tu cum tuis leges apostolicas vt hominum mandata explodis:
 Tu obseruantiam debitamque maiorum san-
 ctionibus reuerentiam proculcas: Tu stygium
 tuum virus Ecclesiasticis Catholicisq; afflas,
 facisq; vt nonnulli languescant quandoq; ani-
 mis, minusq; secum generosè decertèt, exem-
 plis tuorum pessimis licentiaq; viuendi ma-
 xima profanescentes. Sed non erat quod eos
 aspiceres, respice tuos: Caluinum tribus lilijs
 propter scelus Sodomæ in dorso denigra-
 tum (Bolfecus c. 5. in vita Calu. ex tabulis pu-
 blicis) Bezam, Claudiam (quam candidam vo-
 cat abductam à marito factore Parisiensi) &
 Audeberti amoribus infamem, de quo ipse
 met:

Abest Candida, Beza quid moraris?

Audebertus abest, quid hic moraris?

Tenent Parisij tuos amores, &c. quæ sequuntur.

Zvvinglium respice velut Aetnam salaci-
 tatis spiritu succensum, simulac se ad vestrum
 Euangelismum transtulit, vt de seipso loqui-
 tur Tom. 2. in respons. ad Luther. lib. de Sa-
 cram. Deniq; Bucerum aliosq; intueri, qui-
 bus, vt mulier æquè necessaria viro censetur,
 ac cibus & potus; ita preces, cilicia, ieiunia, fla-
 gella cæteraque quibus petulca caro retundi-
 tur, non minus sunt inuisa quam dracones &
 vipe-

Caluinista
 cū suis au-
 thores cor-
 ruptionis
 in clero.

Castitas
 Caluinista
 rum.

viperæ. Vnde quod quidam poëtafter tibi suppeditauit Carmen in Romam, ita verius leges ad Bezam ipsiq; similes scurras & cynædos accommodatum.

Beza vale, vidi: satis est vidisse, reuertar,

Cum leno, meretrix, scurra cynadus ero; per similis sc. Beza.

CAPVT XXI.

Caluinistas Mahometiz are.

Sed quia omnium grauisimè Vorstius fert §. 104. Caluinistas in simulari alicuius Turcismi, coronidis loco ad finē huius articuli ea de re pauca subiiciemus, nō è nostro sensu deprompta, sed ab alijs mutuata. Ex quibus Lutherani aiunt Caluinismū, Mahometismum, Arrianismum tres esse fratres & sorores, tres ex vno panno caligas (Schutz lib. 50. causarum, &c.) Caluinistas esse Mahometanos baptizatos lib. Ienæ impresso Anno 1586. Caluinistas longè esse deteriores Turcis, inque Ecclesiam inducere ethnicismum, Thalmudismum, Mahometismum. Brentius in Bullingeri coronide & recognit. Prophet. Fusè idem in Caluino Turcismo docet Reginaldus lib. 2. c. 19. lib. 3. c. 3. l. 4. c. 22. & alibi. Sed magis mirādum id ipsos quoq; Caluinistas fateri. Quis enim nescit ex litteris Aloysij Cuchij ad Bartholomæum de Rodolphis Venetum patricium, anno 1568. caluinistas Constantinopoli id per VVilhelmum de Gran Ry egisse vt
sub

Caluinif-
mus & Ma-
hometif.
mus fra-
tres.